

**დამტკიცებულია**  
**სსიპ კოლეჯის „აისი“ დირექტორის 2019**  
**წლის 28 ნოემბრის N02-01-191 ბრძანების**  
**საფუძველზე**

**სსიპ კოლეჯში „აისი“ უსაფრთხოებისა და საზოგადოებრივი წესრიგის დაცვის წესი და პირობები**  
**თავი I. ზოგადი დებულებები**

**მუხლი 1. რეგულირების სფერო და მიზანი**

1. სსიპ კოლეჯში „აისი“ უსაფრთხოებისა და საზოგადოებრივი წესრიგის დაცვის წესი და პირობები (შემდგომში – წესი) ადგენს სსიპ კოლეჯში „აისი“ (შემდგომში – კოლეჯი) ტერიტორიაზე, უსაფრთხოებისა და საზოგადოებრივი წესრიგის დაცვის მიზნით განსახორციელებელ პრევენციულ ღონისძიებებსა და უსაფრთხოებისა და საზოგადოებრივი წესრიგის დარღვევის დროს განსახორციელებელ ღონისძიებებს.

2. ამ წესის მიზანია:

- ა) სტუდენტთა უფლებების დაცვა და სტუდენტთა საუკეთესო ინტერესების გათვალისწინება;
- ბ) კოლეჯის ტერიტორიაზე უსაფრთხოებისა და საზოგადოებრივი წესრიგის დაცვის მიზნით პრევენციული ღონისძიებების განხორციელება;
- გ) კოლეჯის ტერიტორიაზე უსაფრთხოებისა და საზოგადოებრივი წესრიგის დარღვევაზე ეფექტური რეაგირება;
- დ) ფიზიკურად, ფსიქოლოგიურად და ემოციურად უსაფრთხო გარემოს უზრუნველყოფა;
- ე) მანდატურის, მანდატურის სამსახურისა და კოლეჯის სტრუქტურული ერთეულების კოორდინირებული მოქმედების ხელშეწყობა.

3. ამ წესის მოქმედება ვრცელდება კოლეჯის მთელ ტერიტორიაზე;

**მუხლი 2. ტერმინთა განმარტება**

1. ამ წესში გამოყენებულ ტერმინებს, ამ წესის მიზნებისთვის აქვთ შემდეგი მნიშვნელობა:

- ა) **დარღვევის აღრიცხვის ფურცელი** – მანდატურის/უფლებამოსილი პირის მიერ შედგენილი დოკუმენტი, რომელშიც ასახულია კოლეჯში გამოვლენილი დარღვევის ან/და სავარაუდო დარღვევის ფაქტი;
- ბ) **საინფორმაციო ბაზა** – ბაზა, რომლის მეშვეობითაც, კოლეჯის მანდატური/უფლებამოსილი პირი უზრუნველყოფს კოლეჯში გამოვლენილი დარღვევის ან/და სავარაუდო დარღვევის ფაქტების დაფიქსირებას და აღრიცხვას, ასევე ინფორმაცია თითოეულ დარღვევასთან დაკავშირებით მანდატურის/უფლებამოსილი პირის, მასწავლებლის, კოლეჯის დირექციის, დისციპლინური კომიტეტის მიერ განხორციელებული ღონისძიებების შესახებ. ელექტრონული საინფორმაციო ბაზა უნდა იძლეოდეს სტატისტიკური ინფორმაციის მიღების შესაძლებლობას კოლეჯში გამოვლენილ დარღვევებთან/სავარაუდო დარღვევებთან და მათზე განხორციელებულ რეაგირებასთან დაკავშირებით;
- გ) **მანდატური** – შესაბამისი განათლების მქონე, ნასამართლობის არმქონე საქართველოს ქმედუნარიანი მოქალაქე, რომელიც უზრუნველყოფს კოლეჯში უსაფრთხოებისა და საზოგადოებრივი წესრიგის დაცვას;
- დ) **საკმარისი საფუძველი ვარაუდისათვის** – ფაქტი ან/და ინფორმაცია, რომელიც დააკმაყოფილებდა ობიექტურ დამკვირვებელს გარემოებათა გათვალისწინებით დასკვნის გასაკეთებლად;
- ე) **კოლეჯის ადმინისტრაცია** – კოლეჯის სამტატო ნუსხით გათვალისწინებული პირები (გარდა მასწავლებლისა), ასევე კოლეჯში შრომითი ხელშეკრულებით დასაქმებული პირები;
- ვ) **კოლეჯის დირექცია** – კოლეჯის დირექტორი და მისი მოადგილე/მოადგილეები

ზ) მანდატურის სამსახური – საქართველოს განათლების, მეცნიერების, კულტურისა და სპორტის სამინისტროს სისტემაში შემავალი საჯარო სამართლის იურიდიული პირი – საგანმანათლებლო დაწესებულების მანდატურის სამსახური;

ი) სამინისტრო – საქართველოს განათლების, მეცნიერების, კულტურისა და სპორტის სამინისტრო;

კ) რესურსცენტრი – სამინისტროს ტერიტორიული ორგანო – საგანმანათლებლო რესურსცენტრი;

ლ) უკონტაქტო ზედაპირული დათვალიერება – იმავე სქესის მანდატურის, ხოლო მისი არარსებობის შემთხვევაში – უფლებამოსილი პირის მიერ სტუდენტის დათვალიერება მეტალოდეტექტორის გამოყენებით, ფიზიკური შეხების გარეშე ან/და ნივთის დათვალიერება მეტალოდეტექტორის გამოყენებით;

მ) უფლებამოსილი პირი – კოლეჯის დირექტორის ინდივიდუალური ადმინისტრაციულ-სამართლებრივი აქტით განსაზღვრული პირი, რომელიც კოლეჯის ტერიტორიაზე, სამუშაო საათებში უზრუნველყოფს უსაფრთხოებისა და საზოგადოებრივი წესრიგის დაცვას იმ ლოკაციებზე, სადაც არ არის მანდატური, ხოლო იმ ლოკაციაზე სადაც არის მანდატური, ეხმარება მანდატურს საზოგადოებრივი წესრიგისა და უსაფრთხოების დაცვაში, მანდატურის სამსახურის უფროსის ინდივიდუალური ადმინისტრაციულ-სამართლებრივი აქტით გათვალისწინებულ შემთხვევებში.

2. ამ წესში გამოყენებულ სხვა ტერმინებს აქვს საქართველოს კანონმდებლობით გათვალისწინებული მნიშვნელობა.

### **მუხლი 3. უსაფრთხოებისა და საზოგადოებრივი წესრიგის დაცვის მექანიზმები**

1. უსაფრთხოებისა და საზოგადოებრივი წესრიგის დაცვისთვის კოლეჯი ვალდებულია:

ა) განახორციელოს პრევენციული ღონისძიებები;

ბ) უსაფრთხოებისა და საზოგადოებრივი წესრიგის დარღვევისას უზრუნველყოს შესაბამისი ღონისძიებების განხორციელება.

2. კოლეჯის ტერიტორიაზე უსაფრთხოებისა და საზოგადოებრივი წესრიგის დაცვა ხორციელდება მანდატურის ან/და უფლებამოსილი პირის საშუალებით.

3. კოლეჯის ტერიტორიაზე უსაფრთხოებასა და საზოგადოებრივი წესრიგის დაცვაზე პასუხისმგებელ პირს წარმოადგენს მანდატური და კოლეჯის დირექცია, ხოლო იმ ლოკაციაზე, რომელშიც არ არის მანდატური – უფლებამოსილი პირი და კოლეჯის დირექცია.

4. კოლეჯის შენობა ნაგებობების დაცვას უზრუნველყოფს კოლეჯის დარაჯი ან/და შესაბამისი პირი/სამსახური.

5. უსაფრთხოებისა და საზოგადოებრივი წესრიგის დაცვის უზრუნველსაყოფად, კოლეჯი ვალდებულია საქართველოს კანონმდებლობით დადგენილი წესით განათავსოს ხანძარსაწინააღმდეგო ინვენტარი და ევაკუაციის გეგმა.

## **თავი II. უსაფრთხოებისა და საზოგადოებრივი წესრიგის დაცვის მიზნით განსახორციელებელი პრევენციული ღონისძიებები**

### **მუხლი 4. ინფორმირებულობის უზრუნველყოფა**

1. ინფორმირებულობის უზრუნველყოფის მიზნით, კოლეჯი ვალდებულია შენობებში თვალსაჩინო ადგილას განათავსოს:

ა) საქართველოს შინაგან საქმეთა სამინისტროს სსიპ – „112“-ის ცხელი ხაზის ნომერი – 112 (შემდგომში – 112);

ბ) სამინისტროს ნომერი – 2 200 220;

გ) მანდატურის/უფლებამოსილი პირის მობილური ტელეფონის ნომერი;

დ) მანდატურის სამსახურის ფსიქოლოგიური მომსახურების ცენტრის (სამმართველოს) ცხელი ხაზის ნომერი 08 00 00 00 88;

ე) მანდატურის სამსახურის მონიტორინგის სამმართველოს ცხელი ხაზის ნომერი – 2 200 220 (3335);

ვ) საქართველოს სახალხო დამცველის ცხელი ხაზის ნომერი – 598 08 30 06, 1481.

2. კოლეჯი ვალდებულია სასწავლო წლის დაწყებიდან არაუგვიანეს 10 დღისა სტუდენტებსა და მათ კანონიერ წარმომადგენლებს საინფორმაციო ხასიათის შეხვედრების საშუალებით მიაწოდოს ინფორმაცია ამ მუხლის პირველი პუნქტით გათვალისწინებული პირების/უწყებების ნომრების, ფუნქციებისა და მნიშვნელობის შესახებ, ასევე ანონიმური ყუთისა და მისი დანიშნულების შესახებ.

#### **მუხლი 5. სტუდენტთა უფლებებისა და წესების გაცნობა**

1. უფლებამოსილი პირი/კოლეჯის დირექციის წარმომადგენელი ან/და დირექტორის მიერ საამისოდ განსაზღვრული პირი ვალდებული არიან სასწავლო წლის დაწყებიდან არაუგვიანეს ერთი თვის ვადაში უზრუნველყონ სტუდენტთა უფლებებისა და წესების, ასევე, კოლეჯის საგანგებო სიტუაციებზე რეაგირების გეგმის გაცნობა ყველა სტუდენტისათვის საინფორმაციო ხასიათის შეხვედრების ან/და სხვა ღონისძიებების ორგანიზებით.

2. სტუდენტთა უფლებები და წესები, რომლის გაცნობაც ხორციელდება კოლეჯის მიერ სტუდენტებისათვის, უნდა ეყრდნობოდეს შემდეგ სამართლებრივ აქტებს:

ა) „პროფესიული განათლების შესახებ“ საქართველოს კანონი;

ბ) კოლეჯის წესდება

გ) კოლეჯის შინაგანაწესი და ეს წესი.

3. სტუდენტებისათვის სტუდენტების უფლებებისა და წესების გაცნობა შესაძლებელია განხორციელდეს მისი ვიზუალიზაციით, სახელოვნებო/შემოქმედებითი მიდგომების გამოყენებით.

4. სტუდენტებისათვის სტუდენტის უფლებებისა და წესების გაცნობის ღონისძიებები უნდა იყოს პოზიტიური ხასიათის მატარებელი და არ ისახავდეს მიზნად სტუდენტებში შიშის გრძობის გაღვივებას, დასჯის შიშის შექმნას და სხვა, ასევე გათვალისწინებულ უნდა იქნეს ასაკობრივი თავისებურებები.

#### **მუხლი 6. ანონიმური ყუთი**

1. კოლეჯის დირექცია ვალდებულია, უზრუნველყოს ანონიმური ყუთის განთავსება.

2. სტუდენტი, კანონიერი წარმომადგენელი და კოლეჯში დასაქმებული პირები უფლებამოსილი არიან კოლეჯში საზოგადოებრივი წესრიგისა და უსაფრთხოების დაცვის საკითხებზე თავიანთი მოსაზრება წარადგინონ ანონიმური ყუთის საშუალებით.

3. კოლეჯის ადმინისტრაცია ვალდებულია ყოველდღიურად, უზრუნველყოს ანონიმური ყუთის შემოწმება, შესაბამისი წერილების ამოღება და წერილებში უსაფრთხოებისა და საზოგადოებრივი წესრიგის დაცვასთან დაკავშირებული საკითხების იდენტიფიცირების შემთხვევაში, დაუყოვნებლივ აცნობოს აღნიშნულის შესახებ მანდატურს/უფლებამოსილ პირს და გადასცეს შესაბამისი წერილი.

4. მანდატური/უფლებამოსილი პირი ვალდებული არიან წერილების გაცნობის შემდგომ, წერილში იდენტიფიცირებული პრობლემის შესახებ უზრუნველყონ დირექტორის ინფორმირება.

5. კოლეჯის დირექცია ვალდებულია, კომპეტენციის ფარგლებში, უზრუნველყონ პრობლემის გადაჭრის გზების იდენტიფიცირება და შესაბამისი რეაგირება.

6. მანდატური/უფლებამოსილი პირი ვალდებული არიან ანონიმური წერილები, რომლებიც შეიცავს ინფორმაციას უსაფრთხოებისა და საზოგადოებრივი წესრიგის დაცვასთან დაკავშირებულ საკითხებზე, ელექტრონული (დასკანერებული) ფორმით შეინახონ მანდატურის სამსახურის უფროსის ინდივიდუალური ადმინისტრაციულ-სამართლებრივი აქტით

დადგენილი ვადით. ამ პუნქტით გათვალისწინებულ ელექტრონული ფორმით შენახულ დოკუმენტს აქვს მისი დედანის თანაბარი იურიდიული ძალა.

#### **მუხლი 7. უსაფრთხოებისა და საზოგადოებრივი წესრიგის დაცვის შეფასება**

1. კოლეჯში უსაფრთხოებისა და საზოგადოებრივი წესრიგის დაცვის შეფასებას ახორციელებენ თანამშრომლები, მასწავლებლები, სტუდენტები და მათი კანონიერი წარმომადგენლები წერილობითი ან/და ელექტრონული ფორმით, ანონიმურობის დაცვით.
2. კოლეჯის ტერიტორიაზე უსაფრთხოებისა და საზოგადოებრივი წესრიგის დაცვის შეფასების კითხვარი (შემდგომში – შეფასების კითხვარი) უნდა იძლეოდეს კოლეჯის ტერიტორიაზე უსაფრთხოებისა და საზოგადოებრივი წესრიგის დაცვასთან დაკავშირებული პრობლემების იდენტიფიცირებისა და მისი შემსვები პირის მიერ პრობლემის გადაწყვეტის გზების შეთავაზების შესაძლებლობას.
3. შეფასების კითხვარს ინდივიდუალური ადმინისტრაციულ-სამართლებრივი აქტით ამტკიცებს კოლეჯის დირექტორი
4. კოლეჯის ტერიტორიაზე უსაფრთხოებისა და საზოგადოებრივი წესრიგის დაცვის შეფასება ხორციელდება სასწავლო წლის განმავლობაში ერთხელ.
5. სტუდენტებისა და მათი კანონიერი წარმომადგენლების მიერ შეფასების კითხვარის შევსებას უზრუნველყოფს დირექციის მიერ გამოყოფილი პირები
6. შეფასების კითხვარის წერილობითი ფორმით შევსების შემთხვევაში, კოლეჯის დირექცია უზრუნველყოფს შევსებული შეფასების კითხვარების განზოგადებას კოლეჯის ტერიტორიაზე უსაფრთხოებისა და საზოგადოებრივი წესრიგის დაცვაში იდენტიფიცირებული პრობლემების მიხედვით.
7. განზოგადებისას დაუშვებელია კოლეჯის ადმინისტრაციის მიერ რომელიმე პრობლემის უგულებელყოფა.

#### **მუხლი 8. ძალადობის რისკების შეფასება სკოლაში**

1. ადრეულ ეტაპზე ძალადობის პრევენციასა და ძალადობის განმეორების საფრთხეების იდენტიფიცირების მიზნით, კოლეჯი ვალდებულია სასწავლო წლის განმავლობაში სულ მცირე ერთხელ განახორციელოს ძალადობის რისკების შეფასება სტუდენტებში და თანამშრომლებში.
2. ამ მუხლის პირველი პუნქტით გათვალისწინებული შეფასებისას დაცული უნდა იყოს სტუდენტთა და თანამშრომელთა ანონიმურობა.
3. სტუდენტებში ძალადობის რისკების შეფასება არის კოლეჯის მიერ ძალადობის პრევენციის მიზნით განსახორციელებელი ღონისძიებების დაგეგმვისა და განხორციელების საფუძველი.

#### **მუხლი 9. საგანმანათლებლო-საინფორმაციო ხასიათის ღონისძიებები**

1. კოლეჯი იღებს ვალდებულებას სასწავლო წლის განმავლობაში სულ მცირე ორჯერ აწარმოოს სტუდენტებისათვის საგანმანათლებლო-საინფორმაციო კამპანია:
  - ა) ძალადობისა და ოჯახში ძალადობის წინააღმდეგ;
  - ბ) დისკრიმინაციის წინააღმდეგ;
  - გ) ბულინგისა და კიბერბულინგის წინააღმდეგ;
  - დ) ჯანსაღი ცხოვრების წესის პოპულარიზაციასთან დაკავშირებით.
2. სტუდენტებისათვის საგანმანათლებლო-საინფორმაციო კამპანია კოლეჯმა შეიძლება აწარმოოს ამ მუხლის პირველი პუნქტით გათვალისწინებულ საკითხებზე:
  - ა) დისკუსიების/დებატების მოწყობით;
  - ბ) ესეების კონკურსის გამართვით;
  - გ) ნახატების კონკურსის გამართვით;
  - დ) სპორტული შეჯიბრებების ორგანიზებით;
  - ე) თეატრალური წარმოდგენების გამართვით;
  - ვ) ფილმების/ვიდეორგოლების ჩვენებით;

- ზ) როლური თამაშების გამართვით;
- თ) სხვადასხვა ხასიათის კვირეულების მოწყობით (მაგ: დისკრიმინაციის წინააღმდეგ ბრძოლის კვირეული);
- ი) მართლწესრიგის ოფიცერთან ან/და უბნის ინსპექტორთან სტუდენტების შეხვედრების ორგანიზებით;
- კ) შესაბამის საკითხებზე მომუშავე სპეციალისტებთან მოსწავლეების შეხვედრების ორგანიზებით.

**თავი III. კოლეჯის ტერიტორიაზე უსაფრთხოებისა და საზოგადოებრივი წესრიგის დარღვევის დროს განსახორციელებელი ღონისძიებები**

**მუხლი 10. უსაფრთხოებისა და საზოგადოებრივი წესრიგის დარღვევა**

1 კოლეჯში უსაფრთხოებისა და საზოგადოებრივი წესრიგის დარღვევას წარმოადგენს:

- ა) საგანგებო სიტუაციები (ხანძარი, მიწისძვრა, წყალდიდობა და ა.შ.);
- ბ) საზოგადოებრივი ჯანმრთელობისათვის რისკის შემცველი (ფართო გავრცელების პოტენციალის მქონე) გადამდები დაავადების შემთხვევა კოლეჯში (შემდგომში – გადამდები დაავადების შემთხვევა).
- გ) სუიციდური აზრი, სუიციდის მცდელობა, სუიციდი;
- დ) თვითდაზიანება;
- ე) ფეთქებადი ნივთიერებების კოლეჯში აღმოჩენა ან კოლეჯში ფეთქებადი ნივთიერებების არსებობის შესახებ შეტყობინება;
- ვ) სტუდენტის მიერ საქართველოს კანონმდებლობით აკრძალული ნივთის, სავარაუდო დისციპლინური გადაცდომის/სამართალდარღვევის ჩადენის იარაღის ქონა, ასევე იმ საგნის ქონა, რომელსაც სავარაუდო დისციპლინური გადაცდომის/სამართალდარღვევის ჩადენის კვალი ატყვია, სავარაუდო დისციპლინური გადაცდომის/სამართალდარღვევის ჩადენით მოპოვებული ნივთისა და ფასეულობის, აგრეთვე იმ საგნისა და დოკუმენტის ქონა, რომლებიც საჭიროა სავარაუდო დისციპლინური გადაცდომის/სამართალდარღვევის ჩადენის გარემოებათა გასარკვევად;
- ზ) სტუდენტის/მასწავლებლის/კოლეჯის სხვა თანამშრომლის მიერ თამბაქოს, ალკოჰოლის ან/და ნარკოტიკული საშუალების, მისი ანალოგის, პრეკურსორის, ახალი ფსიქოაქტიური ნივთიერების, ფსიქოტროპული ნივთიერების, მისი ანალოგის ან ძლიერმოქმედი ნივთიერების შეტანა, რეალიზაცია, მოხმარება კოლეჯის ტერიტორიაზე ან/და მათი ზემოქმედების ქვეშ ყოფნა;
- თ) სტუდენტის საგაკვეთილო პროცესზე გამოუცხადებლობა ან/და დაგვიანება საპატიო მიზეზის გარეშე, ასევე სტუდენტის მიერ საგაკვეთილო/სასწავლო პროცესის მიმდინარეობისას კლასის ან/და კოლეჯის დატოვება შესაბამისი საფუძვლისა და ნებართვის გარეშე;
- ი) სტუდენტის მიერ/სტუდენტის მიმართ ნებისმიერი სახის ძალადობა;
- კ) სტუდენტის მიერ/სტუდენტის მიმართ ჩადენილი საქართველოს სისხლის სამართლის კოდექსითა და საქართველოს ადმინისტრაციულ სამართალდარღვევათა კოდექსით გათვალისწინებული ნებისმიერი სამართალდარღვევა;
- ლ) სტუდენტის მიერ/სტუდენტის მიმართ ბულინგის ან კიბერბულინგის ჩადენა;
- მ) სტუდენტის მიერ/სტუდენტის მიმართ განხორციელებული დისკრიმინაცია ნებისმიერი ნიშნის მიხედვით;
- ნ) სტუდენტის დესტრუქციული ქცევა;
- ო) სტუდენტის მიერ ფულის/ნივთის უნებართვოდ აღება, ფულის შეგროვება, ფულის/ნივთის სხვა სტუდენტისათვის იძულების ნებისმიერ ფორმით გამორთმევა;
- პ) სტუდენტის/მასწავლებლის/კოლეჯის თანამშრომლის/კოლეჯის ქონების ხელყოფა;

ჟ) სხვა გარემოება ან/და ქმედება, რომელმაც შეიძლება კოლეჯის ტერიტორიაზე საფრთხე შეუქმნას იქ მყოფ პირთა სიცოცხლეს ან/და ჯანმრთელობას ან/და ქონებას, კოლეჯის გამართულ ფუნქციონირებას ან/და სასწავლო პროცესის მიმდინარეობას, ასევე კოლეჯის შინაგანაწესის, სტუდენტის ქცევის კოდექსისა და მასწავლებლის პროფესიული ეთიკის კოდექსის დარღვევა.

2. ამ მუხლის პირველი პუნქტის „ჟ“ ქვეპუნქტით გათვალისწინებული გარემოების ან/და ქმედებისას მანდატურის/უფლებამოსილი პირის/კოლეჯის ადმინისტრაციის მიერ განსახორციელებელი ღონისძიებები უნდა ემსახურებოდეს ამ წესის პირველი მუხლის მე-2 პუნქტით გათვალისწინებული მიზნების მიღწევას.

### **მუხლი 11. საგანგებო სიტუაციების დროს უსაფრთხოებისა და საზოგადოებრივი წესრიგის დაცვის მიზნით განსახორციელებელი ღონისძიებები**

1. საგანგებო სიტუაციების დროს მანდატური/უფლებამოსილი პირი ან/და კოლეჯის ადმინისტრაციის წარმომადგენელი რეკავს განგაშის ზარს და საფრთხის შესახებ ატყობინებს შენობაში მყოფ ყველა პირს.

2. განგაშის ზარის დარეკვისთანავე სავალდებულოა სასწავლო პროცესის შეწყვეტა.

3. მანდატურმა/უფლებამოსილმა პირმა/კოლეჯის ადმინისტრაციის წარმომადგენელმა უნდა უზრუნველყოს სიმშვიდის შენარჩუნება და პანიკის აღკვეთა.

4. მანდატური/უფლებამოსილი პირი/კოლეჯის ადმინისტრაციის წარმომადგენელი უკავშირდება „112“-ს, აცნობებს საგანგებო სიტუაციის თავისებურებებს, საგანგებო სიტუაციის წარმოქმნის მიზეზს, სავარაუდო მასშტაბებს, არსებულ ვითარებას.

5. მანდატური/უფლებამოსილი პირი/კოლეჯის ადმინისტრაციის წარმომადგენელი უზრუნველყოფენ კოლეჯის შენობაში მყოფი პირების განთავსებას უსაფრთხო ადგილას.

6. კოლეჯის დირექტორი ვალდებულია საგანგებო სიტუაციების შესახებ დაუყოვნებლივ შეატყობინოს სამინისტროს, შესაბამის რესურსცენტრს და უფლებამოსილ ორგანოებს.

7. საგანგებო სიტუაციის დროს, სიტუაციის გათვალისწინებით, რეკომენდებულია:

ა) გაზის, ელექტროხელსაწყოების, წყალსადენი ქსელის გათიშვა;

ბ) შენობაში არსებული დოკუმენტაციის, კომპიუტერული ტექნიკის, ლაბორატორიული მოწყობილობების, ნივთების და ინვენტარის შეძლებისდაგვარად განთავსება შენობის უსაფრთხო ნაწილში.

8. მანდატურის სამსახური ვალდებული არის საჭიროების შემთხვევაში საგანგებო სიტუაციის ადგილზე უზრუნველყოს ფსიქოლოგის/ ფსიქოლოგების ან/და მობილური ჯგუფის/ჯგუფების მივლენა.

9. საგანგებო სიტუაციების მართვის სამსახურის დასკვნის საფუძველზე კოლეჯის დირექტორი მიმართავს სამინისტროს სასწავლო პროცესის შეჩერების, შეწყვეტის ან განახლების შესახებ.

10. გადაწყვეტილებას სასწავლო პროცესის შეჩერების, შეწყვეტის ან განახლების შესახებ ინდივიდუალური ადმინისტრაციულ-სამართლებრივი აქტით იღებს საქართველოს განათლების, მეცნიერების, კულტურისა და სპორტის მინისტრი (შემდგომში – მინისტრი) კოლეჯის დირექტორის მიმართვის საფუძველზე.

### **მუხლი 12. უსაფრთხოებისა და საზოგადოებრივი წესრიგის დაცვის მიზნით განსახორციელებელი ღონისძიებები საზოგადოებრივი ჯანმრთელობისათვის რისკის შემცველი გადამდები დაავადების შემთხვევის დროს**

1. კოლეჯში გადამდები დაავადებების შემთხვევის გამოვლენისას კოლეჯის მედდა/მანდატური/უფლებამოსილი პირი/კოლეჯის ადმინისტრაციის წარმომადგენელი დაუყოვნებლივ უკავშირდება „112“-ს.

2. ამ მუხლის პირველი პუნქტით გათვალისწინებული შეტყობინების შემდგომ, კოლეჯში გადამდები დაავადებების შემთხვევის გამომვლენი კოლეჯის მედდა/მანდატური/უფლებამოსილი პირი დაუყოვნებლივ აცნობებენ კოლეჯის დირექციას.

3. მანდატური/უფლებამოსილი პირი/კოლეჯის ადმინისტრაციის წარმომადგენელი უზრუნველყოფს კოლეჯში სიმშვიდის შენარჩუნებას.

4. კოლეჯის მედდა/მანდატური/კოლეჯის დირექტორი/კოლეჯის ადმინისტრაციის წარმომადგენელი უზრუნველყოფს დაავადებაზე საექვო ყველა პირის (სტუდენტი/თანამშრომელი) იზოლირებას სხვა პირებისგან.

5. ეპიდსაწინააღმდეგო ღონისძიებების გატარების მიზნით გადაწყვეტილება სასწავლო პროცესის შეჩერების, შეწყვეტის ან განახლების შესახებ ინდივიდუალური ადმინისტრაციულ-სამართლებრივი აქტით იღებს კოლეჯის დირექტორი სამინისტროსთან შეთანხმების საფუძველზე.

### **მუხლი 13. სუიციდური აზრი**

1. ნებისმიერი პირი, რომელსაც აქვს ინფორმაცია სტუდენტის სუიციდური აზრის შესახებ, ვალდებულია ინფორმაცია მიაწოდოს მანდატურს/უფლებამოსილ პირს/კოლეჯის ადმინისტრაციას.

2. ინფორმაციის მიღებისთანავე, მანდატური/უფლებამოსილი პირი/კოლეჯის ადმინისტრაცია ესაუბრება და ამშვიდებს სტუდენტს.

3. სტუდენტის სუიციდური აზრის შესახებ ინფორმაცია არის კონფიდენციალური და მისი გამჟღავნება დასაშვებია მხოლოდ მანდატურის/უფლებამოსილი პირის/კოლეჯის ადმინისტრაციის/კანონიერი წარმომადგენლისა და ფსიქოლოგისთვის.

### **მუხლი 14. სუიციდის მცდელობა**

1. სტუდენტის მიერ სუიციდის მცდელობის შემსწრე ყველა პირი ვალდებულია შეეცადოს, შეაჩეროს სუიციდის მცდელობა.

2. სტუდენტის მიერ სუიციდის მცდელობის შემსწრე პირი/მანდატური/უფლებამოსილი პირი/კოლეჯის ადმინისტრაცია დაუყოვნებლივ უკავშირდება „112“-ს, ხოლო შემდგომ ვალდებულია აღნიშნულის შესახებ აცნობოს მანდატურს/უფლებამოსილ პირს/კოლეჯის ადმინისტრაციას.

3. დაუშვებელია სუიციდის მცდელობის შემსწრე პირის მიერ სუიციდის მცდელობის მქონე სტუდენტის დატოვება უმეთვალყურეოდ მანდატურის/უფლებამოსილი პირის/კოლეჯის ადმინისტრაციის წარმომადგენლის მოსვლამდე.

4. მანდატური/უფლებამოსილი პირი/სკოლის ადმინისტრაცია ვალდებული არიან დაუყოვნებლივ გამოცხადონ შემთხვევის ადგილას და უზრუნველყონ სტუდენტისათვის პირველადი სამედიცინო დახმარების აღმოჩენა (იმ შემთხვევაში, თუ კოლეჯში არსებობს პირი, რომელმაც იცის პირველადი სამედიცინო დახმარების აღმოჩენის წესი).

### **მუხლი 15. თვითდაზიანება**

1. ნებისმიერი პირი, რომელსაც აქვს ინფორმაცია სტუდენტის თვითდაზიანების შესახებ, ვალდებულია აღნიშნულის შესახებ დაუყოვნებლივ შეატყობინოს მანდატურს/უფლებამოსილ პირს/სკოლეჯის ადმინისტრაციას.

2. ინფორმაციის მიღებისთანავე, მანდატური/უფლებამოსილი პირი/კოლეჯის ადმინისტრაცია ესაუბრება სტუდენტს და იკვლევს თვითდაზიანების მიზეზს.

### **მუხლი 16. ფეთქებადი ნივთიერებების კოლეჯში აღმოჩენა**

1. ფეთქებადი ნივთიერებების კოლეჯში აღმოჩენისას მანდატური/უფლებამოსილი პირი/კოლეჯის ადმინისტრაცია ვალდებული არიან უზრუნველყონ:

ა) სტუდენტის, მასწავლებლების და სკოლის შენობაში მყოფი სხვა პირების დაწესებულებიდან გამოყვანა და მათი უსაფრთხო ადგილას განთავსება;

ბ) „112“-თან დაკავშირება და ინფორმაციის მიწოდება.

2. მანდატური/უფლებამოსილი პირი აუცილებლობის შემთხვევაში უზრუნველყოფენ ევაკუირებული სტუდენტების მდგომარეობის შეფასებას.

### **მუხლი 17. კოლეჯში ფეთქებადი ნივთიერებების არსებობის შესახებ შეტყობინება**

1. ფეთქებადი ნივთიერებების არსებობის შესახებ ანონიმური ზარების მიმღებმა პირმა აუცილებელია სატელეფონო საუბრის დროს შეინარჩუნოს მშვიდი ტონი და გაახანგრძლივოს საუბრის დრო, დროის მოგებისა და ინფორმაციის მოპოვების მიზნით დამატებითი კითხვების დასმით. დროის მოგება ასევე შესაძლებელია შემდეგი გზებით: ზარის განმხორციელებელი პირის მონაცემების/გამონათქვამების ნაწილობრივ არასწორად/არასრულყოფილად გამეორებით (სიფრთხილით, გადაჭარბების გარეშე); ცუდი, უხარისხო კავშირის გათამაშებით; რაც შეიძლება ზუსტი მონაცემების მოთხოვნით (აღნიშნული წერილობით უნდა იქნეს ასახული).

2. იმ შემთხვევაში, თუ ანონიმური ზარის მიმღებს აქვს შესაძლებლობა, რეკომენდებულია ტელეფონის ხმამაღალ რეჟიმზე ჩართვა და საუბრის მიმდინარეობისას „112“-თან დაკავშირება.

3. მანდატური/უფლებამოსილი პირი/კოლეჯის ადმინისტრაცია ვალდებული არიან ანონიმური ზარის დასრულებისთანავე უზრუნველყონ:

ა) „112“-თან დაკავშირება და ინფორმაციის მიწოდება.

ბ) სტუდენტების, მასწავლებლების და კოლეჯის შენობაში მყოფი სხვა პირების დაწესებულებიდან გამოყვანა და მათი უსაფრთხო აღვილას განთავსება.

**მუხლი 18. სტუდენტის მიერ საქართველოს კანონმდებლობით აკრძალული ნივთის, სავარაუდო დისციპლინური გადაცდომის/სამართალდარღვევის ჩადენის იარაღის ქონა, ასევე იმ საგნის ქონა, რომელსაც სავარაუდო დისციპლინური გადაცდომის/სამართალდარღვევის ჩადენის კვალი ატყვია, სავარაუდო დისციპლინური გადაცდომის/სამართალდარღვევის ჩადენით მოპოვებული ნივთისა და ფასეულობის, აგრეთვე იმ საგნისა და დოკუმენტის ქონა, რომლებიც საჭიროა სავარაუდო დისციპლინური გადაცდომის/სამართალდარღვევის ჩადენის გარემოებათა გასარკვევად**

1. ნებისმიერი პირი ვალდებულია დაუყოვნებლივ შეატყობინოს მანდატურს/უფლებამოსილ პირს/კოლეჯის ადმინისტრაციას სტუდენტის მიერ საქართველოს კანონმდებლობით აკრძალული ნივთის, სავარაუდო დისციპლინური გადაცდომის/სამართალდარღვევის ჩადენის იარაღის ქონის შესახებ, ასევე იმ საგნის ქონის შესახებ, რომელსაც სავარაუდო დისციპლინური გადაცდომის/სამართალდარღვევის ჩადენის კვალი ატყვია, სავარაუდო დისციპლინური გადაცდომის/სამართალდარღვევის ჩადენით მოპოვებული ნივთისა და ფასეულობის, აგრეთვე იმ საგნისა და დოკუმენტის ქონის შესახებ, რომლებიც საჭიროა სავარაუდო დისციპლინური გადაცდომის/სამართალდარღვევის ჩადენის გარემოებათა გასარკვევად.

2. კოლეჯში უსაფრთხოებისა და საზოგადოებრივი წესრიგის დაცვის მიზნით დასაშვებია უკონტაქტო ზედაპირული დათვალიერება, რომლის მიზანია მანდატურის/უფლებამოსილი პირის მიერ საქართველოს კანონმდებლობით აკრძალული ნივთის, სავარაუდო დისციპლინური გადაცდომის/სამართალდარღვევის ჩადენის იარაღის აღმოჩენა, იმ საგნის აღმოჩენა, რომელსაც სავარაუდო დისციპლინური გადაცდომის/სამართალდარღვევის ჩადენის კვალი ატყვია, სავარაუდო დისციპლინური გადაცდომით/სამართალდარღვევით მოპოვებული ნივთის და ფასეულობის, აგრეთვე იმ საგნის და დოკუმენტის აღმოჩენა, რომლებიც საჭიროა სავარაუდო დისციპლინური გადაცდომის/სამართალდარღვევის ჩადენის გარემოებათა გასარკვევად.

3. უკონტაქტო ზედაპირული დათვალიერება დასაშვებია მხოლოდ იმ შემთხვევაში, როდესაც გარემოებები მიუთითებს სტუდენტის მიერ კოლეჯის შინაგანაწესის შესაძლო დარღვევაზე ან/და შესაძლო სამართალდარღვევაზე და არსებობს საკმარისი საფუძველი ვარაუდისათვის, რომ უკონტაქტო ზედაპირული დათვალიერების შედეგად გამოვლინდება კოლეჯის შინაგანაწესით გათვალისწინებული დისციპლინური გადაცდომა ან/და შესაძლო სამართალდარღვევა.

4. დაუშვებელია სტუდენტის მიერ ამ მუხლის პირველი პუნქტით გათვალისწინებული ნივთის გადამალვა ან/და რაიმე ფორმით განადგურება. მანდატური/უფლებამოსილი პირი



უფლებამოსილია მიიღოს შესაბამისი ზომები სტუდენტის აღნიშნული ქმედების თავიდან ასაცილებლად.

5. უკონტაქტო ზედაპირული დათვალიერების უფლებამოსილება აქვს იმავე სქესის მანდატურს/უფლებამოსილ პირს. ამ პუნქტიდან გამონაკლისი დაიშვება მხოლოდ იმ შემთხვევაში, თუ კოლეჯში არ არის სტუდენტის შესაბამისი სქესის მანდატური/უფლებამოსილი პირი.

6. უკონტაქტო ზედაპირული დათვალიერება ხორციელდება მანდატურის ან/და კოლეჯის თანამშრომლის ინიციატივით.

7. სტუდენტის უკონტაქტო ზედაპირული დათვალიერება ხორციელდება მეტალოდეტექტორის გამოყენებით, ფიზიკური შეხების გარეშე, ასევე სტუდენტის ნივთის უკონტაქტო ზედაპირული დათვალიერება ხორციელდება მეტალოდეტექტორის გამოყენებით.

8. უკონტაქტო ზედაპირულ დათვალიერებას წინ უნდა უსწრებდეს მანდატურის/უფლებამოსილი პირის მიერ სტუდენტის გაფრთხილება უკონტაქტო ზედაპირული დათვალიერების შესახებ და მოწოდება, რომ ნებაყოფლობით, ყოველგვარი შემოწმების გარეშე, ამ მუხლის პირველი პუნქტით გათვალისწინებული ნივთები გადასცეს პირს, რომელმაც უნდა ჩაატაროს უკონტაქტო ზედაპირული დათვალიერება.

9. უკონტაქტო ზედაპირული დათვალიერებისას მანდატური/უფლებამოსილი პირი ვალდებულია:

ა) იმოქმედოს სტუდენტის საუკეთესო ინტერესების გათვალისწინებით და სტუდენტის ღირსების სრული დაცვით;

ბ) იყოს თავაზიანი, მომთმენი, იმოქმედოს მშვიდად და ისაუბროს სტუდენტის გასაგებ ენაზე;

გ) სტუდენტის არ შეუზღუდოს იმ ნივთებით სარგებლობა, რომელიც არ აფერხებს უკონტაქტო ზედაპირული დათვალიერების მიმდინარეობას, ასევე, არ ჩამოართვას ის ნივთები, რომელიც არ წარმოადგენდა უკონტაქტო ზედაპირული დათვალიერების განხორციელების მიზანს;

დ) უკონტაქტო ზედაპირული დათვალიერება არ ჩაატაროს ჯგუფურად.

**მუხლი 19. სტუდენტის/მასწავლებლის/კოლეჯის სხვა თანამშრომლის მიერ ალკოჰოლის ან/და ნარკოტიკული საშუალების, მისი ანალოგის, პრეკურსორის, ახალი ფსიქოაქტიური ნივთიერების, ფსიქოტროპული ნივთიერების, მისი ანალოგის ან ძლიერმოქმედი ნივთიერების შეტანა, რეალიზაცია, მოხმარება კოლეჯის ტერიტორიაზე ან/და მათი ზემოქმედების ქვეშ ყოფნა**

1. ნებისმიერი პირი, რომლისთვისაც ცნობილია სტუდენტის/მასწავლებლის/კოლეჯის სხვა თანამშრომლის მიერ ალკოჰოლის ან/და ნარკოტიკული საშუალების, მისი ანალოგის, პრეკურსორის, ახალი ფსიქოაქტიური ნივთიერების, ფსიქოტროპული ნივთიერების, მისი ანალოგის ან ძლიერმოქმედი ნივთიერების შეტანის, რეალიზაციის, მოხმარების კოლეჯის ტერიტორიაზე ან/და მათი ზემოქმედების ქვეშ ყოფნის ფაქტი, ვალდებულია აღნიშნულის შესახებ დაუყოვნებლივ აცნობოს მანდატურს/უფლებამოსილ პირს/კოლეჯის ადმინისტრაციას.

2. იმ შემთხვევაში, თუ არსებობს საკმარისი საფუძველი ვარაუდისთვის, რომ სტუდენტის აქვს ალკოჰოლი ან/და ნარკოტიკული საშუალება, მისი ანალოგი, პრეკურსორი, ახალი ფსიქოაქტიური ნივთიერება, ფსიქოტროპული ნივთიერება, მისი ანალოგი ან ძლიერმოქმედი ნივთიერება მანდატური/უფლებამოსილი პირი უფლებამოსილია განახორციელოს სტუდენტის უკონტაქტო ზედაპირული დათვალიერება დადგენილი წესით.

3. იმ შემთხვევაში, თუ არსებობს საკმარისი საფუძველი ვარაუდისთვის, რომ მასწავლებელს/კოლეჯის სხვა თანამშრომელს აქვს ნარკოტიკული საშუალება, მისი ანალოგი, პრეკურსორი, ახალი ფსიქოაქტიური ნივთიერება, ფსიქოტროპული ნივთიერება, მისი ანალოგი ან ძლიერმოქმედი ნივთიერება მანდატური/უფლებამოსილი პირი/კოლეჯის ადმინისტრაცია ვალდებულია დაუყოვნებლივ დაუკავშირდეს „112“-ს.

4. მანდატური/უფლებამოსილი პირი/კოლეჯის ადმინისტრაცია ვალდებულია სტუდენტისათვის ნარკოტიკული საშუალების, მისი ანალოგის, პრეკურსორის, ახალი ფსიქოაქტიური ნივთიერების, ფსიქოტროპული ნივთიერების, მისი ანალოგის ან ძლიერმოქმედი ნივთიერების აღმოჩენის შემთხვევაში დაუყოვნებლივ დაუკავშირდეს „112“-ს;

**მუხლი 20. სტუდენტის მიერ/სტუდენტის მიმართ ნებისმიერი სახის ძალადობა**

1. ნებისმიერი პირი ვალდებულია სტუდენტის მიერ/სტუდენტის მიმართ ნებისმიერი სახის ძალადობის ჩადენის ფაქტის ცოდნის ან ასეთის ეჭვის შემთხვევაში, აღნიშნულის შესახებ ინფორმაცია მიაწოდოს მანდატურს/უფლებამოსილ პირს/კოლეჯის ადმინისტრაციას.

2. სტუდენტის მიერ/სტუდენტის მიმართ ძალადობის შესაძლო შემთხვევებია:

- ა) სტუდენტის ძალადობა სტუდენტის მიმართ;
- ბ) სტუდენტის მიმართ ძალადობა უცხო პირის მხრიდან;
- გ) სტუდენტის მიმართ ძალადობა მასწავლებლის მხრიდან;
- დ) სტუდენტის მიმართ ძალადობა კოლეჯის ადმინისტრაციის თანამშრომლის მხრიდან;
- ე) სტუდენტის მიმართ ძალადობა მანდატურის მხრიდან;

3. სტუდენტის მიმართ ძალადობის შემთხვევაში:

ა) მანდატური/უფლებამოსილი პირი/კოლეჯის ადმინისტრაციის წარმომადგენელი ვალდებულია დაუკავშირდეს „112“-ს

**მუხლი 21. სტუდენტის მიერ/სტუდენტის მიმართ ჩადენილი საქართველოს სისხლის სამართლის კოდექსითა და საქართველოს ადმინისტრაციულ სამართალდარღვევათა კოდექსით გათვალისწინებული ნებისმიერი სამართალდარღვევა**

1. ნებისმიერი პირი ვალდებულია სტუდენტის მიერ/სტუდენტის მიმართ საქართველოს სისხლის სამართლის კოდექსითა და საქართველოს ადმინისტრაციულ სამართალდარღვევათა კოდექსით გათვალისწინებული ნებისმიერი სამართალდარღვევის ან/და სავარაუდო სამართალდარღვევის ჩადენის ფაქტის ცოდნის შემთხვევაში, აღნიშნულის შესახებ ინფორმაცია მიაწოდოს მანდატურს/უფლებამოსილ პირს/კოლეჯის ადმინისტრაციას.

2. მანდატური/უფლებამოსილი პირი/კოლეჯის ადმინისტრაცია დაუყოვნებლივ უკავშირდება „112“-ს.

3. მანდატური/უფლებამოსილი პირი/კოლეჯის ადმინისტრაცია, შესაძლებლობის შემთხვევაში, უზრუნველყოფენ სამართალდარღვევის აღკვეთასა და სამართალდარღვევის ადგილის შემოსაზღვრას.

**მუხლი 22. სტუდენტის მიერ/სტუდენტის მიმართ ბულინგის ან კიბერბულინგის ჩადენა**

1. ნებისმიერი პირი ვალდებულია სტუდენტის მიერ/სტუდენტის მიმართ ბულინგის ან კიბერბულინგის ჩადენის ფაქტის ცოდნის შემთხვევაში, აღნიშნულის შესახებ ინფორმაცია მიაწოდოს მანდატურს/უფლებამოსილ პირს/კოლეჯის ადმინისტრაციას.

2. თუ სტუდენტის მიერ/სტუდენტის მიმართ ბულინგი ან კიბერბულინგი შეიცავს დანაშაულის ნიშნებს, მანდატური/უფლებამოსილი პირი/კოლეჯის ადმინისტრაცია დაუყოვნებლივ უკავშირდება „112“-ს.

**მუხლი 23. სტუდენტის მიერ/სტუდენტის მიმართ განხორციელებული დისკრიმინაცია ნებისმიერი ნიშნის მიხედვით**

1. ნებისმიერი პირი ვალდებულია სტუდენტის მიერ/სტუდენტის მიმართ ნებისმიერი ნიშნის მიხედვით დისკრიმინაციის განხორციელების შემთხვევაში, აღნიშნულის შესახებ ინფორმაცია მიაწოდოს მანდატურს/უფლებამოსილ პირს/კოლეჯის ადმინისტრაციას.

2. თუ სტუდენტის მიერ/სტუდენტის მიმართ განხორციელებული დისკრიმინაცია შეიცავს დანაშაულის ნიშნებს, მანდატური/უფლებამოსილი პირი/კოლეჯის ადმინისტრაცია დაუყოვნებლივ უკავშირდება „112“-ს.

**მუხლი 24. სტუდენტის/მასწავლებლის/კოლეჯის თანამშრომლის/კოლეჯის ქონების ხელყოფა**

1. ნებისმიერი პირი, რომელსაც აქვს ინფორმაცია სტუდენტის/მასწავლებლის/კოლეჯის თანამშრომლის/კოლეჯის ქონების ხელყოფის შესახებ, ვალდებულია დაუყოვნებლივ აცნობოს მანდატურს/უფლებამოსილ პირს/კოლეჯის ადმინისტრაციას.
2. იმ შემთხვევაში, თუ ფაქტი შეიცავს დანაშაულის ნიშნებს, მანდატური/უფლებამოსილი პირი/კოლეჯის ადმინისტრაცია დაუყოვნებლივ უკავშირდება „112“-ს.

**თავი VI. კოლეჯის ვიდეოთვალთვალის სისტემით აღჭურვისა და ადმინისტრირების წესი**  
**მუხლი 25. კოლეჯის ვიდეოთვალთვალის სისტემით აღჭურვის წესი**

1. კოლეჯი ვალდებულია უზრუნველყოს კოლეჯის შიდა და გარე პერიმეტრის ვიდეოთვალთვალის სისტემით აღჭურვა.
2. კოლეჯის შიდა პერიმეტრზე განთავსებული ვიდეოთვალთვალის სისტემა უნდა უზრუნველყოფდეს კოლეჯის ყველა დერეფნის, შესასვლელისა (ფოიე) და კიბის უჯრედის ვიდეოდაკვირვებისა და იქ მყოფი პირების ვიზუალურად დანახვისა და იდენტიფიკაციის შესაძლებლობას.
3. დაუშვებელია ვიდეოთვალთვალის განხორციელება კოლეჯის საპირფარეოში, გამოსაცვლელ ოთახებში, საკლასო ოთახში და სამასწავლებლოში.
4. კოლეჯის გარე პერიმეტრზე განთავსებული ვიდეოთვალთვალის სისტემა უნდა უზრუნველყოფდეს კოლეჯის გარე პერიმეტრის (მათ შორის სპორტული მოედანი, ბაღი, სკვერი, და სხვა) სრულად ვიდეოდაკვირვებისა და იქ მყოფი პირების ვიზუალურად დანახვისა და იდენტიფიკაციის შესაძლებლობას.
5. ვიდეოთვალთვალის სისტემა, რომლებიც უზრუნველყოფს კოლეჯის შიდა და გარე პერიმეტრის ვიდეოდაკვირვებას, უნდა შეესაბამებოდეს „ზარტული და სხვა მომგებიანი თამაშობების (გარდა წამახალისებელი გათამაშებისა) ადგილებზე და გარე პერიმეტრზე ვიდეომეთვალყურეობის სისტემებისა და მათი დამონტაჟება-ექსპლოატაციის წესის დამტკიცების შესახებ“ საქართველოს შინაგან საქმეთა მინისტრის 2007 წლის 29 აგვისტოს №1143 ბრძანებით განსაზღვრულ ვიდეომეთვალყურეობის სისტემებსა და მათი დამონტაჟება-ექსპლუატაციის წესებს.
6. კოლეჯი ვალდებულია იზრუნოს კოლეჯის ვიდეოთვალთვალის სისტემის გამართულ ფუნქციონირებაზე.

**მუხლი 26. კოლეჯის ვიდეოთვალთვალის სისტემის ადმინისტრირების წესი**

1. ვიდეოსათვალთვალო სისტემის ყოველდღიურ გამოყენებას და ადმინისტრირებას უზრუნველყოფს მანდატური/უფლებამოსილი პირი.
2. კოლეჯი ვალდებულია შიდა პერიმეტრზე დამონტაჟებული ვიდეოსათვალთვალო სისტემით ვიდეოჩაწერა აწარმოოს მთელი დროის განმავლობაში, ხოლო გარე პერიმეტრზე დამონტაჟებული ვიდეოსათვალთვალო სისტემით ვიდეოჩაწერა – მუდმივად.
3. ვიდეოჩაწერის შედეგად მიღებული მაგნიტური ლენტები (ელექტრონული ინფორმაცია), შესაბამისი ჩანაწერებით, არანაკლებ 15 დღისა უნდა ინახებოდეს სათანადოდ დაცულ ადგილზე და დასაბუთებული მოთხოვნისთანავე უნდა წარედგინოს კოლეჯის დირექციას, დისციპლინურ კომიტეტს, ასევე სამართალდამცავ ორგანოებს – საქართველოს კანონმდებლობით დადგენილი წესით.

**თავი VII. უფლებამოსილი პირი**

**მუხლი 27. უფლებამოსილი პირის უფლება-მოვალეობები**

1. უფლებამოსილი პირი ახორციელებს ამ წესით გათვალისწინებულ უფლება-მოვალეობებს.
2. უფლებამოსილი პირი უზრუნველყოფს კოლეჯში საზოგადოებრივი წესრიგისა და უსაფრთხოების დაცვის შეფასების კითხვარის შევსებას.

3. უფლებამოსილი პირი კოლეჯის ტერიტორიაზე უსაფრთხოებისა და საზოგადოებრივი წესრიგის დაცვის მიზნით უფლებამოსილია განახორციელოს:

ა) კოლეჯის შიდა და გარე პერიმეტრის დათვალიერება ვიდეოსათვალთვალო სისტემის საშუალებით;

ბ) კოლეჯის შიდა და გარე პერიმეტრის არადისტანციური დათვალიერება.

#### **თავი VIII. წესის დარღვევა**

##### **მუხლი 29. წესის დარღვევა**

1. ამ წესის დარღვევა იწვევს დისციპლინურ პასუხისმგებლობას კოლეჯის შინაგანაწესითა და საქართველოს კანონმდებლობით დადგენილი წესით.

2. კოლეჯი უზრუნველყოფს შინაგანაწესში ამ წესის დარღვევისათვის შესაბამისი დისციპლინური ღონისძიებების განსაზღვრას, დარღვევის შედეგების სიმძიმის გათვალისწინებით.